

KA JINGPYNBNA-ĪAR SATLAK ĪA KI HOK LONGBRIEW MANBRIEW

Ba la pynbna bad pynjari da ka Dorbar Bah ka Synjuk Ki katkum ka Rai 217A (III) ha ka 10 Tarik Nohprah 1948, ha Paris, France.

PHYLLAW PONGSHAI

Kumba ka jingithuh ĩa ka kyrdan long tynrai bad ĩa ki marryngkat bad bashongkhien jong baroh ki dkhoh longĭing u dei ka tlong jong ka jinglaitluid, ka jingbishar hok, bad ka jingsuk shisnieh pyrthei,

Kumba ka jingibeĩn bad jingbysuidkhai ĩa ki hok longbriew manbriew la pynkha ĩa ki kam riewkhlaw kiba la pynkhih win ĩa ka jingĭatiplem u bynriew, bad ka jingkylla ka pyrthei ha kaba u khun bynriew un leh kmen laituluid ha ka kren ka khana bad jingngeit bad jinglaitluid na ka tieng ka syier bad ka kyrduh la pynbna kum ka jingangnud ba ha khlieh tam jong u luk u lak,

Kumba ka long kaba donkam ba ĩa u/ka briew ym dei ban pynbor ban shim ki lynti, kum ka khen khatduh, da ka jingĭaleh pyrshah ĩa ka jingbanbeĩn bad jingsynshar runar, ba ĩa ki hok longbriew manbriew dei ban ĩada da ka aĩn ka kanun, Kumba ka long kaba donkam ban kyntiew ĩa ka jingroi ka jingĭadei lok para ri,

Kumba ki briew jong ka Synjuk Ki Ri ha ka Kyrmit ki la pynskhem ia la ka jingngeit ha ki tynrai ki hok longbriew manbriew, ha ka kyrdan bad dor longbriew bad ha ki hok marryngkat la kynthei ne shynrang bad la kut jingmut ban pyntei pynsan ĩa ka imlang sahlang bad ĩa ka kyrdan jingim ba khambha ha ka jinglaitluid ba khamĭar,

Kumba ki Ri-Long-Dkhoh ki la smai ban kynjoh, da ka jingbynrap lang bad ka Synjuk Ki Ri, sha ka jingkyntiew ĩa ka jingĭaburom salonsar bad ka jingpeitngor ban pyntrei kam ĩa ki hok longbriew manbriew bad ki jinglaitluid ba tynrai,

Kumba ka jingsngewthuh-ĭar ĩa kine ki hok bad ki jinglaitluid ka dei ka jingdonkam ba khraw eh na ka bynta ban pyn pura ĩa kane ka jingsmai.

Namarkata, Mynta,

Ka Dorbar Bah,

Ka la pynbna bad pynjari ĩa kane ka Jingpynbna-ĭar Satlak Īa Ki Hok Longbriew Manbriew kum ka jingthew ba biang pylla lang ĩa baroh ki bynriew bad baroh ki ri, ba kumta man la u/ka briew bad man ki kynthun jong ka imlang sahlang, da kaba ĩai tyngkai khop ĩa kane ka Jingpynbna-ĭar, kin ĩaleh da kaba hikai bad pynnang pynstad ban kyntiew irat ĩa ka jingburom ĩa kine ki hok bad ki jinglaitluid bad da ki lad pynsan, la shi Hima ne para Hima, ban pynĭoh ĩa ka jingtyngkai bad jingithuh salonsar ba seisoh, hapteng ki briew jong ki Ri-Long-Dkhoh hi bad hapteng ki briew jong ki Ilaka synshar jong ki hi.

Jinis 1

Īa ki bynriew baroh la kha laituluid bad ki ĭaryngkat ha ka burom bad ki hok. Ha ki la bsiap da ka bor pyrkhat bad ka jingĭatiplem bad ha ka mynsiem jingsngew shipara ki dei ban ĭatrei bynrap lang.

Jinis 2

Uwei pa kawei ki don ĩa baroh ki hok kynti bad jinglaitluid ba la mang ha kane ka Jingpynbna-ĭar, khlem jingpynĭapher eiei, kum ka jaitbynriew, ka rong ka sniehdoh, kynthei ne shynrang, ka ktien ka thylliej, ka niam ka rukom, ka saiĩ pyrthei ne ka mut ka khan, ka thymmei ri ne ka imlang sahlang, ka jingdon jingem, ka jingkha ne kano kano ka jinglong.

Shuh shuh, ka jingpynĭapher ĩa ki briew kam dei ban long halor ka nongrim ka jinglong ka saiĩ pyrthei, ka jylli synshar khadar jong ka ri kaba ki briew ki long trai, la ka long ka ri kaba laituluid, kaba shaniah ha kiwei, ka bym synshar hi lane kaba hap ha u pud u sam jong ka jingsynshar ba ha khlieh duh jong kawei pat ka ri.

Jinis 3

Uwei pa kawei ki don ka hok ban im, ban ioh laituluid bad ban ioh jingĭada.

Jinis 4

Ym don uwei ne kawei ki ban shah teh mraw ne long mraw hano hano; la khang pyrshah ĩa ka jinglongmraw bad ka jingkhaiĩ mraw la ki dei ha kano kano ka dur ne rukom.

Jinis 5Ym don uwei ne kawei kiba lah ban shah thom sha ka saja, ne ban shah lehbeĩn bymkheĩn briew ne shah pynhiar dor ĩa ka kyrdan longbriew manbriew ne jingpynshitom.

Jinis 6

Uwei pa kawei ki don ka hok ban ioh ĩa ka jingithuh hakhmat ka aĩn ha man ki jaka.

Jinis 7

Baroh ki long marryngkat ha khmat ka aĩn bad ki don ka hok ba khlem da ıiew shiliang khmat ha ka ban ioh ĩa ki jingĭada ba markumjuh hakhmat ka aĩn. Baroh ki don ka hok ban ioh jingĭada ba markumjuh pyrshah ĩa kano kano ka jingleh shiliang ha ka jingpynkheĩn ĩa kane ka Jingpynbna-ĭar lane pyrshah ĩa kano kano ka jingkyngoit ĩa kita ki jingleh shiliang.

Jinis 8

Uwei pa kawei ki don ka hok sha ka jingmaramot ne ka jingpynbha ba seisoh da ka Kashari ne ki tnad Sorkar ri ba la ai bor bad ba laituluid na ka bynta ki kam be-aĩn pyrshah ĩa ki hok tynrai ba la pynkhamti da ka riti synshar ne da ka aĩn hi.

Jinis 9

Ym don uwei ne kawei ki ban shah kem, shah set slung ne shah pynryngkangpar be-aĩn.

Jinis 10

Uwei pa kawei ki don hok marbiang pura ĩa ka jingpynsngew paidbah bahok da ka Kashari ne ki tnad Sorkar ri ba laituluid, ha kaba rai kut ĩa ki hok bad jingteh ka aĩn bad ĩa kano kano ka jingkyngoit bymman pyrshah ĩa u/ka.

Jinis 11

Uwei pa kawei ba la shah mudui ha ka jingleh be-aĩn ki don ka hok ban shah ıiew kum kiba lui lui tad haduh ba la pynshisha ĩa ka pap katkum ka aĩn bishar paidbah bad hadien ba ki la ioh lut ĩa ki lad jingĭada ba tikna ban ĩada ĩalade.

Ym don uwei ne kawei ki ban shah pynrem bymman ha kano kano ka kam be-aĩn tang namar ka jingleh ne jingbymleh kaba ym ĩahap kum ka kam be-aĩn, katkum ka aĩn jong ka ri ne ka aĩn shityllup, ha ka por ba la leh ĩa ka. Lymne ban daiĩ ka kuna ba kham khia ban ĩa kaba dei ban daiĩ mynba ĩa ka kam be-aĩn la leh.

Jinis 12

Ym don uwei ne kawei ki ban shah tuklar ne shah mushlia be-aĩn halor ka kam shimet, ka longĭing longsem ne ka jingĭadei; lymne ban ktah matĭong pyrshah ĩa ka burom jong ki. Uwei pa kawei ki don ka hok ban ioh ĩa ka jingĭada halor kita ki jingtuklar ne jingleh jubor.

Jinis 13

Uwei pa kawei ki don ka hok ba laituluid ha ka ĭaid ka ĭeng bad ka shong ka sah hapoh u pud u sam jong man la ka Ri.

Uwei pa kawei ki don ka hok ban mih na kano kano ka ri, kynthup na la ri hi, bad ban wan phai pat sha la ka ri.

Jinis 14

Uwei pa kawei ki don ka hok ban wad jaka sah bad ban leh kmen ha kiwei pat ki ri ban riehtngen bad ban ioh jingiada na ka jingshah pynshitom be-aiñ.

İa kane ka hok ym lah ban khyllie ha ka jingiadei ka jingtian bishar ba la mih na ki kam be-aiñ ki bym iasnoh bad ka saiñ pyrthei lane na ki kam ba pyrshah İa ki jingthmu bad nongrim jong ka Synjuk Ki Ri .

Jinis 15

Uwei pa kawei ki don İa ka hok jong ka jinglong trai shnong.

Ym don uwei ne kawei ki ban shah pynduh jubor İa la ka hok jong ka jinglong trai shnong lymne ban shah kyntait İa ka hok ban kylla İa la ka jinglong trai shnong.

Jinis 16

Ki Shynrang bad kynthei ba la kot rta, khlem da buh pud kum ka kheñ jaitbynriew, jinglong trai shnong ne niam, ki don ka hok ban İa poikha bad ban seng İa la ka longİing. Ki don ka hok ba marryngkat ha ka poikha, ka shongkha, bad ha ka jingpynwai noh İa ka.

Ka Jingiapoikha ka dei ban long tang da ka jingmynjur ba pura bad ba laitluid jong ki shijur.

Ka longİing ka dei ka jnit kynhun ba tynrai bad manbriew jong ka imlang sahlang bad ka don İa ka hok ban ioh jingiada na ka imlang sahlang bad na ka Ri.

Jinis 17

Uwei pa kawei ki don ka hok ban long trai halor ki jingdon jingem shimet bad kumjuh ruh kum ka kynhun bad kiwei pat.

Ym don uwei ne kawei ki ban shah pynduh hok be-aiñ İa ka jingdon jingem jong ki.

Jinis 18

Uwei pa kawei ki don ka hok ba laitluid ha ka pyrkhath pyrdaiñ, ka jingiatiptlem bad ka niam; kane ka hok ka kynthup İa ka jinglaitluid ban kylla niam ne jingngeit, la ka dei ha la marwei hi ne ha ka kynhun bad kiwei, haba paw ne barieh, ban phla İa ka niam ne jingngeit ha kaba hikai, leh ne trei da ka kam, mane blei bad leh niam.

Jinis 19

Uwei pa kawei ki don ka hok ba laitluid ban pyni nia bad pynpaw nia; kane ka hok ka kynthup İa ka jinglaitluid ban pynİeng nia khlem da shah mushliİa bad ban wad, pdiang bad ai jingtip bad jingmut lyngba ki lad pathai khubor khlem da kheñ eh İa ki khappud.

Jinis 20

Uwei pa kawei ki don ka hok ba laitluid ban İalum jingİalang ne iasnohkıti ha kano kano ka lympung ha ka nongrim ba jai jai bad da ka basuk basaiñ.

Ym don uwei ne kawei ki ban shah pynbor ban long dkhot ha kano kano ka seng.

Jinis 21

Uwei pa kawei ki don ka hok ban İa don bynta ha ka riti synshar jong ka ri, la marmet hi ne lyngba ki nongmihkhmat ba la jied laitluid.

Uwei pa kawei ki don ka hok ban ioh kabu katjuh ha kaba shakri paidbah İa la ka ri.

Ka mon u paidbah ka dei ka nongrim jong ka bor synshar sorkar; İa kane ka mon lah ban pynpaw na ki por sha ki por ha ki ilekshon ba shisha ba la pynlong da jingjied paidbah salonsar ha ka rukom ba la buhrieh ne da kiwei pat ki rukom jied kiba İa ryngkat dor bad kiba laitluid.

Jinis 22

Uwei pa kawei, kum ki dkhot ka imlang sahlang, ki don ka hok ban ioh İa ka jingshongshngaiñ ha ka imlang sahlang bad ki don ruh İa ka hok, lyngba ki bor ri bad jingİasynrop ki ri katkum ka jingsaiñdur bad ka jingdon jingem jong man kawei pa kawei ka Ri, halor ka ioh ka kot, ka imlang sahlang, ki riti-dustur kiba ym lah ban pynİakhlad na ka burom bad ka jingsan laitluid ka longbriew manbriew jong ki.

Jinis 23

Uwei pa kawei ki don ka hok ban trei ne bylla, ban jied laitluid İa ka jingtrei ne jingbylla, ban ioh İa ka rukom long jong ka jingtrei katkum ka jingsngewbit jong ki bad ka jingiada na ka jingsah khlem kam.

Uwei pa kawei, khlem jingpynİapher, ki don ka hok ban ioh İa ka bainong marryngkat katkum ka kam ba marryngkat.

Uwei pa kawei kiba trei ki don ka hok İa ka jingsiew kaba İahap dor bad babit babiang ban pynskhem İalade bad ka İing ka sem İa ka jingim ba İahap dur bad ka kyrdan briew, bad bynrap de, lada donkam, da kiwei ki lad jingiada jong ka imlang sahlang.

Uwei pa kawei ki don ka hok ban seng bad long dkhot ha ki Seng Nongtrei na ka bynta ki jingiada İa ki jingbha jong ki.

Jinis 24

Uwei pa kawei ki don ka hok ban ioh shongthait bad pynbyrngia, da kaba kynthup İa ki kynta treikam ba shongnia ryngkat ka bainong ha ki ngİi shuti hateng hateng.

Jinis 25

Uwei pa kawei ki don ka hok sha ka nisan jingim ba biangthew na ka bynta ka bha ka miat shimet bad ka longİing jong ki hi, kynthup ka bam ka dih, ka kup ka sem, ka İingshong İingsah, ka koit ka khiah, bad ki kam imlang sahlang badonkam, bad ki hok sha ka jingshongshngaiñ ha ki khen jingduhkam, jingpang, jinganna, jinglong riawkynthei, jingnoh tymmen, lane jingduna kamai kajih ha ki khep bym lah kot bor shuh.

Ka jinglongkmie bad jinglong khyllung ki don ka hok ban ioh İa ka jingİarap bad jingsumar-sukher bakyrpang. Baroh ki khynnah, la ki dei kiba la kha na ka jingİashong kurim ba long aiñ ne ka jingshong kurim shabar jong ka aiñ, ki don ka hok ban ioh İa kajuh ka jingiada ha ka imlang sahlang.

Jinis 26

Uwei pa kawei ki don ka hok ban ioh İa ka jingnang jingstad. Ka jingnang jingstad ka dei ban long khlem jingsiew la kumno kumno ha ki kyrdan pule ba dang shu sdang bad ba tynrai. Ka Jingpule ba sdang ka dei ban long kaba kongsan tam. İa ka jingpule laiñ ne ka jingpule ba dei İa ka jingtrei jingktah da ki buit stad dei ban pynİoh paidbah, bad İa ka jingpule kham shajrong dei ban ai lad marryngkat halor ka nongrim ka jingshonghok.

Ka jingnang jingstad ka dei ban kdew sha ka jingpynsan pynpura İa ka maiñ longbriew manbriew bad sha ka ban pynkhlaiñ İa ka jingburom İa ka hok longbriew manbriew bad jinglaitluid tynrai. Ka dei ban kyntiew İa ka jingshemphang, jingİaishah bad jingİalong lok para hima sima, ki kynhun niam ne jaitbynriew, bad ban pynİaid shaphrang shuh shuh İa ki kam ka Synjuk Ki Ri ban pynneh İa ka suk ka saiñ.

Ki kmie ki kpa ki don ka hok ba hakhmat eh ban jied İa ka jait jingpule kaba ki lah ban ai ha la ki khun ki kti.

Jinis 27

Uwei pa kawei ki don ka hok laitluid ban iashim bynta ha ki kam kolshor jong ka jaitbynriew, ban lehkmén ha ki sap ki phong bad bhah bynta lang ha ka jingmanroi ka saian lem ki jingmyntoi jong ka.

Uwei pa kawei ki don ka hok ban iada ia ki snap jinglong babha bad ba kynja met kiba mih na ki soh ka saian, ka thoh ka tar, ne ka buit-thaw ia kiba ma ki hi ki long ki nongthaw.

Jinis 28

Uwei pa kawei ki don ka bhah ban pynneh pynsah ia ka suk ka sain jong ka imlang sahang ha shityllup ka pyrtnei ha kaba ia ki hok bad ki jinglaitluid ba shynna yn lah ban pynurlong pura katkum ba la buh ha kane ka Jingpynbna-iar.

Jinis 29

Uwei pa kawei, ki don ki deiti sha ka jaitbynriew bad dei tang ha ka hi ba ka jingpynroi laitluid bad pynpura ia ka maiñ longbriew manbriew ka long ba lah ban long.

Ha ka jingpyntrei kam ia ki hok bad ki jinglaitluid, uwei pa kawei kin hap ban pyndem tang ha kito ki pud ba la rai da ka aiñ thik na ka bynta ban pynioh ia ka jingithuh bad ban burom ia ki hok bad ki jinglaitluid jong kiwei pat bad ha ka ban pynioh ia ki jingdonkam ba dei hok jong ka jingiaid beit iaïd ryntih, ka suk ka sain bad ka jingmanbha kyllum ha ka imlang sahang ha ka synshar paidbah.

Ia kine ki hok bad ki jinglaitluid yn ym lah ban pyndonkam da kumwei pat ka ban long marpyrshah ia ki jingthmu bad nongrim ka Synjuk Ki Ri.

Jinis 30

Ym don kano kano ha kane ka Jingpynbna-iar ba lah ban batai da kumwei pat kum ban ialam bakla ia kano kano ka Ri, ki kynhun ki riwshimet halor kano kano hok ban iateh ha kino kino ki ban leh, ban pynjot ne pynduh pyndam ia ki hok bad ki jinglaitluid kiba la buh ha Ka.